



**Clypeus Theologiæ Thomisticæ**

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de  
Virtutibus ac Donis, de Vitiis ac Peccatis, & de Legibus, nec-non  
Dissertationem Theologicam de Probabilitate

**Gonet, Jean-Baptiste**

**Coloniæ Agrippinæ, 1671**

§. II. Solvuntur objectiones contra primam conclusionem

---

[urn:nbn:de:hbz:466:1-78232](#)

connaturalizantur actus ad quos movemur ex A speciali instinctu Spiritus Sancti, sicut per virtutes morales acquisitas, vel infusas, actus honesti ordinis naturalis vel supernaturalis, sunt nobis connaturales: Sed propter hanc causam virtutes illae habent rationem habitus: Ergo & similiter dona Spiritus Sancti.

Dico secundo, dona Spiritus Sancti distinguuntur realiter à virtutibus infusis, sive theologicis, siem moralibus. Est contra Scotum, Vazquezem Lorcum, & alios, existimantes dona hæc esse ipsamē virtutes infusas, secundum aliquam peculiarem denominationem, vel officium, ratione cuius dicuntur dona.

Probatur primum conclusio ex D. Thoma hic art. 1. in sed contra, ubi ex S. Gregorio lib. 1. moralium cap. 14. distinguit septem dona, (quæ dicit significari per septem filios Job) à tribus virtutibus theologicis, quas ait per tres filias Job figuratas esse. Et ex secundo moralium distinguit eā quatuor virtutibus cardinalibus, quas dicit significari per quatuor angulos domus Job.

Probatur secundum ratione fundamentali: Illi habitus distinguuntur realiter, qui respiciunt difinita formaliter objecta: Sed virtutes & dona respiciunt objecta formaliter diversa: Ergo distinguuntur realiter. Major constat, Minor probatur. Virtutes acquisitas respiciunt objectum ut dirigibile per regulas prudentiæ acquisitæ; virtutes vero infusæ illud attingunt ut dirigibile per regulas prudentiæ infusæ, modo communis & ordinario: At dona illud respiciunt ut dirigibile modo altiori, nempe per quandam specialem inspirationem & motionem Spiritus Sancti, præter regulas prudentiæ, præviæ ad consilium & deliberationem. Unde Aristoteles lib. 1. moral. cap. de bona fortuna, ait quod *huius qui* moventur per instinctum divinum, non expedit consiliari secundum rationem humanam, sed quod sequitur interiorem instinctum; quia moventur a meliori principio, quam sit ratio humana: Atqui objectum ut dirigibile modo altiori supra regulas prudentiæ, distinguitur formaliter ab objecto ut dirigibili solùm per regulas prudentiæ: Ergo virtutes & dona respiciunt objecta formaliter distincta.

Confirmatur: habitus quibus aliquod mobile disponitur ad recipiendam motionem ab aliquo superiori motore, debent inter se distingui, juxta motorum distinctionem & qualitatem: Sed homo per virtutes acquisitas redditur promptè mobilis à lumine naturæ; per virtutes vero intus à lumine gratiæ & fidei; & tandem per dona speciali impulsu & instinctu Spiritus Sancti: Ergo dona debent distingui ab illis virtutibus. Minor est certa. Major vero ex eo constat quod omne mobile debeat proportionari suo motori.

Tertiò suaderi potest conclusio, & Adversitorum sententia convelli, argumento ad hominem: Cum enim Scotus, Vazquez, & Lora, contra quos disputamus, non admittant virtutes infusas morales, sed duntaxat theologicas, si dona S. iuxta sancti à virtutibus infusis non distinguerentur, deberent reduci ad virtutes theologicas, seu cum illis identificari: v.g. sapientia, scientia, intellectus, & consilium, ad fidem reduci deberent, seu identificari cum illa; nam cum in intellectu resideant, cum spe & charitate, qua in voluntate subiectantur, identifi-

cari nequeunt: Sed talia dona non possunt redaci ad fidem, seu cum illa identificari: tum quia fuerunt in Christo, in quo non fuit fides; tum etiam, quia (ut infra dicemus) remanent in patria, à qua fides excluditur, utpote cum clara Dei visione incompossibilis, ut in tractatu de virtutibus theologicis ostendemus: Ergo dona Spiritus Sancti à virtutibus infusis realiter distinguuntur.

## §. II.

*Solvuntur objectiones contra primam conclusionem.*

**O**bijecit primo contra primam conclusio- nem: De ratione habitus est permanentia: Sed hæc non convenit donis Spiritus Sancti: Ergo illa non sunt habitus. Major patet, Minor vero probatur primò ex D. Gregorio lib. 2. moral. cap. 41. ubi sic ait: *In cunctis fidelibus Spiritus sanctus venit, sed in solo Mediatore semper singulariter permanet.* Ergo dona non habent permanentiam in aliis hominibus à Christo.

Secundò probatur eadem Minor: Prophetia, dona miraculorum, & alia gratiæ gratis data, non dantur hominibus permanenter, & per modum habitus, sed transiunt, & per modum motionis: ut docet S. Thomas 2. 2. quæst. 171. art. 2. Ergo idem de donis Spiritus Sancti dicendum est.

Probatur tertid: Homo concurrit solùm ut instrumentum ad actiones donorum, cùm potentia animæ non habeant sufficientem proportionem cum illis: Sed de ratione instrumenti est operari solùm per virtutem seu motionem transiunt, à causa principali impressam: Ergo dona non sunt aliquid in nobis permanentes, sed transiens & fluens.

Denique probatur Minor: Habitibus & qualitatibus permanentibus utimur quando volamus: Sed justus donis Spiritus Sancti ornatus & instructus, non potest eorum operationes prohibito exercere: Ergo talia dona non sunt qualitates permanentes & habituales, sed motiones actuales & transiunt.

Respondeo concessa Majori, negando Minor: Ad cuius primam probationem dicendum, Gregorium vel non loqui de donis Spiritus Sancti, sed de gratiis gratis datis, quæ non sunt permanentes & per modum habitus in fidelibus, sicut in Christo: vel si loquatur de donis, solùm intendit quod illa fuerint in Christo longè excellenter modo, quam in aliis, non vero quod in aliis justis non sunt permanentes, modo tamen imperfectiori.

Ad secundam respondet D. Thomas hic art. 3. ad 3. concessa Antecedente, negando Consequentiam, & paritatem: dona enim Spiritus Sancti sunt necessaria homini ad salutem; Propheta vero (inquit) est de donis que sunt ad manifestationem spiritus, non autem ad necessitatem salutis. Quod discriben insinuat à D. Gregor. 2. moral. cap. 41. dicente, quod in illis donis sine quibus ad vitam perveniri non potest, Spiritus Sanctus in electis omnibus semper manet, sed in aliis non semper manet.

Ad tertiam dicendum, de ratione quidem instrumenti proprii & rigorosi esse operari per motionem & virtutem transiunt; non tamen de ratione instrumenti large & impropriè sumptis.

quo pacto homo se haber ad actiones donorum, A cùm potentia animæ, ut per dona elevata, habeant sufficientem proportionem cum illis. Solutio est D. Thoma h̄c art. 3. ubi secundo loco sibi idem argumentum objicit, & respondet, quod ratio illa procedit de instrumento, cuius non est agere, sed solum agi: tale autem instrumentum non est homo, sed sic agitur à spiritu sancto, quod etiam agit in quantum est liberi arbitrii, unde indiget habitu.

Ad ultimam respondeo, hoc axioma: utimur habitibus quando volumus: intelligi de habitibus subditis rationi, & communibus regulis, non vero de illis qui non subduntur rationi, nec regulis ordinariis, sed extra ratiōnēs utiuntur, cujusmodi sunt dona Spiritus sancti: unde ut homo illis utatur, indiget speciali motione illius; sicut ad actus indeliberatos, qualis est prima intentio finis, debet specialiter moveri à Deo, absque prævio consilio & deliberatione rationis, ut docet Aristoteles lib. 7. moralium Eudimiorum cap. 18. & D. Thomas supra qu. 9. art. 4.

## §. III.

Diluuntur alia obiec̄iones contra secundam conclusiōnem fieri solite.

**13.** Objicies primò contra secundam conclusiōnem: Idem præstant virtutes theologicæ, & morales infusa, quod dona: Ergo non distinguunt realiter inter se. Consequens patet, Antecedens vero probatur: Dona per nos habent disponere animam ad recipiendam motionem Spiritus sancti: Sed hoc idem præstant virtutes theologicæ, & morales infusa; cùm enim homo non possit actus illarum virtutum ei cere, nisi Spiritu sancto movente, inspirante, & illuminante, eo ipso quod illa disponunt & complement potestis animæ ad actus supernaturales elicendos, etiam illas disponunt ad recipiendam motionem, inspirationem, & illuminatiōnem Spiritus sancti: Ergo &c.

**14.** Respondeo negando Antecedens, ad cuius probationem dicendum, quod licet virtutes theologicæ, & morales infusa, disponant animam ad recipiendam motionem Spiritus sancti, diversimodè tamen à donis, nam dona illam disponunt ad motionem Dei specialem, quā homo à Deo movetur, non medio consilio & deliberatione, sed divino instinctu; virtutes vero theologicæ, & morales infusa, illam disponunt ad recipiendam motionem Spiritus sancti communem & ordinariam intra ipsum ordinem supernaturalem, per quam scilicet homo natus est moveri supposito consilio & deliberatione rationis. Unde D. Thomas h̄c art. 1. ad 4. *Sapientia dicitur intellectualis virtus, secundum quod procedit ex judicio rationis; dicitur autem donum, secundum quod operatur ex instinctu divino.*

**15.** Objicies secundò: Virtutes infusa, & dona versantur circa eandem materiam, v. g. fortitudo ut est donum, & ut est virtus, similiter fides & intellectus respiciunt eadem objecta: Ergo non distinguunt inter se realiter.

Respondeo virtutes infusa & dona respicere quidem eandem materiam, sed modo valde diverso, nam dona eam attingunt sub motivo longe alteriori, nempe ut subiecta mensura excedenti modum rationis.

Instabis: Ad attingendum aliiquid sub motivo altiori non requiritur nova virtus, sed sufficit quod eadem fiat intensior, minime vero quod distinguitur specie ab ea quā potest tantum attingere illud sub motivo inferiori & minus arduo: Ergo illa ratio non convincit dona distinguiri realiter à virtutibus infusa, sed ad summum accidentaliter, sicut virtus intensa distinguitur à remissa.

Respondeo distinguendo Antecedens: Ad attingendum aliiquid sub motivo altiori non requiritur nova virtus &c. quando motivum altius & minus arduum sunt in eandem rationis mensuram dirigentem, concedo Antecedens: secūs, nego Antecedens. Motivum autem, sub quo attingitur objectum per dona Spiritus sancti, est extra lineam mensuræ motivi, sub quo attingitur per virtutes infusa; quia iste recipiunt objectum, ut modo humano (intra ordinem tamen supernaturalem) attingibile dona vero respiciunt illud ut attingibile supra omnem modum humanum.

Dices: Etiam in virtutibus theologicis interdum contingit aliquem operari præter communem & ordinarium modum, ut cùm aliquis ex charitate animam suam tradit pro amicis; vel tam perfectam habet fidem, ut ea sufficiat ad montes transferendos, & miracula patranda: Ergo non solum dona, sed etiam virtutes supernaturales & infusa, respiciunt suum objectum, ut supra omnem modum humanum attingibile.

Respondeo quod quando virtutes theologicæ actus aliquos heroicis & extraordinarios elicunt, adjuvant à donis Spiritus sancti, quia sola ratio cum virtutibus illis non sufficit ad tales actus elicendos. Unde cuilibet virtuti theologicæ aliquod donum correspondet; Fidei enim correspondent Intellectus & Scientia, ut docet S. Thomas 2. 2. q. 8. & 9. Spei donum moris, ut docet qu. 19. & Charitati donum Sapientiae, ut assertit qu. 4. §.

## §. IV.

*Corollaria notatu digna.*

**E**X dictis inferes primò, dona in communis posse definiiri, seu describi: Dona sunt bona qualitates mentis à Deo infusa, quibus nullus male uitetur, & quibus recte vivitur, reætudine operationis qua est supra omnes regulas prudentiae, tam acquisitæ, quam infusa ex peculiari instinctu & inspiratione Dei. Vel aliter: Dona sunt dispositiones ad optimum, exceeding regulas ordinarias cuiuscumque prudentialia.

Inferes secundò dona Spiritus sancti esse homini necessaria ad salutem. Ut enim discrit S. Thomas h̄c art. 2. quod imperfecte habentur aliquam, vel formam, aut virtutem, non potest per se operari, nisi ab altero moveatur; sicut luna, in qua est imperfecte natura lucis, non illuminat, nisi illuminata à Sole: Sed virtutes theologicæ, & morales infusa, imperfecte informant animam rationalem: Ergo per illas non ita perficitur homo in ordine ad ultimum finem, quin semper indiget moveri quodam superiori instinctu Spiritus sancti, subindeque donis illius, quæ animam ad motionem illam disponant.

Inferes tertio, dona Spiritus sancti non pos-